

ՀՀ ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵ

ՈՐՈՇՈՒՄ թիվ 385493/14

ՎԱՐՉԱԿԱՆ ԻՐԱՎԱԽԱՒԱՏՄԱՆ ԳՈՐԾԻ ՎԵՐԱԲԵՐՅԱԼ

03.05.2019թ.

ք. Երևան

Ես՝ ՀՀ պետական եկամուտների կոմիտեի իրավաբանական վարչության պետ Ա. Մնացականյանս, քննելով վարչական իրավախախտման վերաբերյալ թիվ 13 գործը և ուսումնասիրելով վարչական իրավախախտման վերաբերյալ 03.05.2019թ. թիվ 13 արձանագրությունը,

ՊԱՐԶԵՑԻ

Ա/Ձ Արմեն Թևանյանը (ՀՎՀՀ 83968947, Սյունիքի մարզ, ք. Կապան, Բազմաբերդի թաղ. Այգետնակ 7) համաձայն ՀՀ պետական եկամուտների կոմիտեի իրավաբանական վարչության 05.03.2019թ. թիվ 1504519 վարչական ակտի՝ չի վարել հաշվապահական հաշվառումից բացի օրենսդրությամբ նախատեսված այլ հաշվառում (գրանցում), որը կարող է առաջացնել հարկի նվազեցում: Արարքը նախատեսված է Վարչական իրավախախտումների վերաբերյալ ՀՀ օրենսգրքի 169՝ հոդվածի 1-ին մասով:

Կողմը պատշաճ ծանուցված լինելով արձանագրության կազմման, գործի քննության վայրի և ժամանակի մասին՝ չի ներկայացել: Վարույթի շրջանակներում Արմեն Թևանյանը ներկայացրել է պատասխան գրություն, որով նշել է, որ պատրաստվում է օրենքով սահմանված կարգով վարչական ակտը ստանալու հաջորդող օրվանից երկամսյա ժամկետում այն բողոքարկել վարչական կամ դատական կարգով: Միաժամանակ ավելացրել է, որ նշված դեպքի առթիվ վարչական իրավախախտման վերաբերյալ արձանագրության կազմումը և գործի քննությունը պետք է տեղափոխվի ծանուցագիրը ստանալու հաջորդող օրվանից 2 ամիս հետո:

Վերոնշյալի կապակցությամբ անհրաժեշտ ենք համարում նշել, որ ՀՀ Վճռաբեկ դատարանը թիվ ՎԴ/2085/05/12 գործով կայացված նախադեպային որոշմամբ արտահայտել է դիրքորոշում վարչական ակտի իրավաչափության կանխավարկածի սկզբունքի վերաբերյալ, համաձայն որի բոլոր դեպքերում վարչական ակտը համարվում է իրավաչափ, եթե այն օրենքով սահմանված կարգով ոչ իրավաչափ չի ճանաչվել: Ինչպես նաև հայտնում ենք, որ Վարչական իրավախախտումների վերաբերյալ ՀՀ օրենսգրքի 37 հոդվածի համաձայն եթե վարչական իրավախախտումը հնարավոր չէր հայտնաբերել առանց համապատասխան ստուգումներ կատարելու, ապա վարչական տույժը կարող է նշանակվել վարչական իրավախախտումը ստուգմամբ բացահայտելու օրվանից հետո՝ ոչ ուշ, քան երկու ամսվա ընթացքում: Հիմք ընդունելով վերոհիշյալ հոդվածով նախատեսված իրավակարգավորումը պետք է նշել, որ խախտումը

համարվում է արձանագրված ստուգման ակտի կայացման պահից: Հետևաբար գրությամբ նշված պատճառաբանությունը հիմնավոր չէ:

Այն փաստը, որ Արմեն Թևանյանի կողմից իրավախախտումը վերջին մեկ տարվա ընթացքում կատարվել է առաջին անգամ, սույն գործով դիտվում է որպես պատասխանատվությունը մեղմացնող հանգամանք:

Ելնելով վերոգրյալից և ղեկավարվելով Վարչական իրավախախտումների վերաբերյալ ՀՀ օրենսգրքի 32-րդ հոդվածի 2-րդ մասով, 33-րդ, 244², 281 հոդվածներով և 282 հոդվածի 1-ին կետով՝

ՈՐՈՇԵՑԻ

Համաձայն Վարչական իրավախախտումների վերաբերյալ ՀՀ օրենսգրքի 169¹ հոդվածի 1-ին մասի՝ Արմեն Թևանյանի նկատմամբ կիրառել վարչական տույժ՝ նշանակել տուգանք 15.000 դրամի չափով:

ԻՐԱՎԱԲԱՆԱԿԱՆ ՎԱՐՉՈՒԹՅԱՆ ՊԵՏ

1. 

Ա.ՄՆԱՑԱԿԱՆՅԱՆ

Շանտաժություն, Վարչական իրավախախտումների վերաբերյալ ՀՀ օրենսգրքի համաձայն՝

Վարչական տույժ նշանակելը վարչական իրավախախտում կատարած անձին չի ազատում այն պարտականության կատարումից, որը չկատարելու համար նշանակվել էր վարչական տույժ (հոդված 40)

Վարչական իրավախախտման վերաբերյալ գործի որոշման դեմ գանգատ կարող է տրվել որոշումն ստանալուց հետո երեսուն օրվա ընթացքում: Նշված ժամկետը հարգելի պատճառներով բաց թողնելու դեպքում այդ ժամկետը կարող է վերականգնվել գանգատը քննելու համար իրավագործ մարմնի (պաշտոնատար անձի) կողմից, այն անձի դիմումով, որի նկատմամբ ընդունված է որոշումը (հոդված 288) կամ որոշումը կարող է բողոքարկվել ՀՀ վարչական դատարան՝ երկամսյա ժամկետում:

Խախտողի կողմից տուգանքը պետք է վճարվի տուգանք նշանակելու մասին որոշումը նրան հանձնելու օրվանից ոչ ուշ, քան տասնհինգ օրվա ընթացքում, իսկ այդ որոշումը գանգատարկելու կամ բողոքարկելու դեպքում՝ գանգատը կամ բողոքը առանց բավարարման թողնելու մասին ծանուցման օրվանից ոչ ուշ, քան տասնհինգ օրվա ընթացքում (հոդված 305, մաս 1) գանձապետական հետևյալ հաշվհեմարաններին. 900005240487՝ տուգանքի 70%, 900013000246՝ տուգանքի 30% վճարման անդորրագրի <<նպատակ>> դաշտում պարտադիր նշելով որոշման համարը:

Տուգանքը նշանակելու մասին որոշումն իրավախախտում կատարած անձին հանձնելու օրվանից, իսկ տուգանքը նշանակելու մասին որոշումը բողոքարկելու դեպքում բողոքն առանց բավարարման թողնելուց հետո 15 օրվա ընթացքում տուգանքը չվճարելու դեպքում այն ենթակա է բուլազանձման օրենսդրությամբ սահմանված կարգով:

Ստացա որոշման պատճենը _____